

tānā ga, goiduksh Judas ga, gault gish ga kapault ga da dupkadōlt ga, adat shikshtōlsh ga wī wilhēlgiet ga yū gagawaium dōuzk gaga dīlth gagāt ga, amiyāt gish ga manpriests ga, dīlth na tashilgiatk gish ga giat ga.

48 Adat ginamt ga t'in wā'adit ga shinlaiduksh gish ga giat ga, ash ga houit ga, Ligit nā dum hōmzagout, nīnīsh nīadit; za gā da shim.

49 Da wila goiduksht gish ga awāsh Jesus ga, ada houit ga, 'Ndoiukshint, Rabbi, adat hōmzakht ga.

50 Ada housh Jesus gish nīat, N'shiebungshk, wān a gau gungoidukshint. Ada wil gutgoiduksht ga ada wil nūunkāt ga, adat gāsh Jesus ga.

51 Gukshtānā ga, gault ga na shtōlsh Jesus ga t'in kshalthaudash ga anont ga, adat shegish ga gawaiam dōuzk gut ga, adat yez ga gault ga tkulwāulimlthk gish ga manpriest ga, adat shayezish ga zamōt ga.

52 Ada wil housh Jesus gish nīat, Hazukshim yē'um gawaiam dōuzk ga da na wil shgūa dīt: āwil tkānīsh nā t'in gā gawaiam dōuzk gut, dum hagwāt ga dadā gawaiam dōuzk gut.

53 Haligaudun alth lthguksh gulth n'dum gwanō dash ga Nagwādi ga gīaōn, ada dumt haiz ga gahēlda dadā kapīlt a gōbel da legionsum angels a dā goi?

54 Ada n'dalth dum wila lūhoigiaguntk gish ga N'lthōdukshum Damīsh ga, a dum gup wāl dīya gwa?

55 Ada nīnīsh ga hour ga housh Jesus gish ga wilhēlgiet ga, Alth gutgoiduksha shimī a wudī t'in libīlt wāl hukzāowulshum giadit a yū gawaiam dōuzk ga shīmt dīlth ga gā'adit a ma dum shim gā dūt? Tkānī sha dhaiyū da awū shīmt

shūwilaigiamgush gūt a zum templet, ada althga ma shim gā dī.

56 Ada al tkānī gwai wāl dī, ā dum wil lūhoigiaguntk gish ga N'lthōdukshum Damīsh ga prophets ga. Ada wilt qudakshit ga tkānīsh ga disciples ga, ada hōūt ga.

57 Ada wilt dagaudit ga na t'in gāt gut Jesus gish ga awāsh Caiaphas ga manpriest ga, wil shagait yūsh ga hūkgā-damīshīt ga dīlth tashilgiat ga.

58 Ada al wagait daush gut wil yūgut gut Peter, gish ga awāsh ga wālpsh ga manpriest ga, ada zīnt ga, ada dhāt gish ga shpagait tkulhūkwāulimlthk ga ga, dumt nīsh ga dum wila shābāt ga.

59 Ada alt gwiithgagūelt ga manpriests ga dīlth tashilgiat ga dīlth tkānīsh ga council ga dum bigum magaunshk gut gish Jesus, ash ga dumt wila zagwut ga:

60 Ada althgat wāt, zō wilhēl ga gabīgum magaunshk gut ga gutgoidukshit ga. Shūgīaōn ada wil gutgoiduksh ga dupkadōlt ga,

61 Ada houit ga, Gwai hou yōta gwa, Da'ākhlthk gū n'dum golda templesh ga Shimoigiat ga Lakāga, ada n'dum gik ha'in dadā wīlī da shat.

62 Ada haldum bāsh ga manpriest ga, ada houit gish nīat, Aīnī gwīlth dīlamaḡ gun? Gau ya gū magaunshk gish dup gwai ā gwan?

63 Ada althga kshdaltk gish Jesus. Ada housh ga manpriest gish nīat, N'dum swearun gish ga didōlshum Shimoigiat ga, ā ma durī maltha dadā gum za nīnīsh Christ dīt nūgun, Lthgōlthk gish ga Shimoigiat ga Lakāga?

64 Ada housh Jesus gish nīat; Ltha hou'un dīt: Ada al gup dī houyū dā gwashim, Hawēanī ada ma dum shim nīsh ga wil dhāsh ga